

۱۳۳۰

دینی ، علمی ، ادبی ، سیاسی ہفتہ لق مجموعہ اسلامیہ در

جلد ۲-۹

صفر ۱۵ ۱۳۳۱ پنجشنبه ۱۰ کانون ثانی ۱۳۲۸

۲۲۸ - ۸۶ ج۱



آچیلسین کوزلر آرتق ، چیقما سین یوللر عد مکاهه .  
بوکون شونلردر انسانی ایدن ایصال شهراره :  
دیانت ، معرفت ، صنعت ، تنزل ایتمه مک جاهه ،  
یا قیشماز باشقه خصلت شیمدی بر قوم مدد خواهه .  
زمان ، رحم ایتمه یور ، آلدانما یور بیک آه وایواهه .

تخللر کرک تبدیل یوقدر سنه اللهه ! [\*]

[\*] ولن تجدد لسنة الله تبدیلا .

نوزاد آياس.

هانی یکرمنجی عصر؟...

مدیت زانفورجی

ینه دون بر آلائی « اولمغه ، بولمغه » [۱] کی ،  
هذیانلرله یورولدمده « آمان یاری ! .  
بزه جدیتی ابراز ایدمک بر فرد یوق  
وارسه کونده کوردم یوقسه کیدیش یک بوم...ق »  
دیه شکوا ایدیورکن تلفون ووردی :  
— آلو...  
— متصرفلغه ألقاب (!) یازلمی ؟ .  
— یاهو ؟...  
بونى کیم صور دیوریور ؟...  
— اکلامدم ؟...  
— کیم صور یوریور ؟...  
— میز [۲] بک صور یوریور .

[۱] محررات رسمیه ده مستعمل کلامند .  
[۲] « میز » مسدد ایسه ده اکثر کاتبیلر  
شده سز تلفظ ایدرلر .  
أ . خ

— بیلیمورم ،

طور ، طور ، طور :  
متصرفلغه « رحمتی أفندم » دیکر .

دیه رک ، ناقلی آصدم یرینه باق ایشمز ،  
قلامش اویله یا...! ألقاب (!) دوشونمک صره سی ؟ .  
اولیورکن قوجه بر مملکت ، ایل مسخره سی ...



أوه کلدیمی ؟ اوکون چکدیکم آلام شدید  
پیش چشمده ایدر هری بر « رسم کید »  
کدم آقشام ینه مستغرق دریای کدر ،...  
خواه ، ناخواه اوقودم بر ، ایکی پژمرده اثر .  
بلکه تعدیل تأثر ایدرم زعمیه ...  
اوقودم ؛ آکلامدم ، سودیکم آناری بیله .



— یاتسودن صوکر کاینمز آما درلشمک ایچین  
سزی تصدیعه قرار ..  
— یو ... بیورک ، خانه سزک .

بیلسه کز حالت روحیه می مجنون کیم ؛  
هله آکلات باقالم واری حوادث ؟...

— آبکم ...

اونی هیچ صورمه ییکز دوشدیکمز ، پک مهاک :  
کورین ، حفره یی بز کندیمز احضار ایتدک .  
کولیمور آوروپا تدقیق ایدمک احوالی ،  
ینه اوصلا نیورز ؛ حفره اضمحلالی ،  
محترص ألامضله قازیورکن ، ألبت ...  
براقیرلری ؟ حاضر اورته ده اعلا فرصت .  
— نه دیسه ک دوغرو برادر ! یالکز آوروپانک  
بزه کوستردیکی وضعیته ، بر « قجه قادین »  
بیله ؛ مردانه دکلدن .. دیسه اصرار ایتسه  
بویله بر حقی سوزی رد ایدمض برکسه  
— مشترک بر « نوطه » دوستانه ایش (!)

— هم نه قادین (!) ..

بونده کی مقصدی اطفال سبقخوان آکلار .  
قوجه بردولتی تهدید ایدیورلر رسماً  
« هانی یکرمنجی عصر » ترکره باربار (!) دیرکن ...

أمین خاکی

مَقَاتِلَات

حسب حال

وقتیله کاله دیمش لکه :

« حیاتی قورتارمق امیدیه چارینوب طوران ، کاه صاغنه ، کاه  
صولنه باش اوران شوزواللی ملت ایچون ایلریده بر فلاکت محقق  
کورو نیور . فقط عجبا اودوره فلاکت نه وقت کلوب جاته جقدر ؟ »  
بوسواله قارشی کمال شو حکایه یی سویله مش :  
« قیرسردار بیک بری قاریشیق بر رؤیا کورمش . کیجه لیدیکی برده  
کوی اوطه سی ایش . صاحبین اویانمش ، اوجاق باشنده طابانلرینی  
قیزدیران کوی قودمانلرینه « ایچکزده ، دوش وره جق آدم واری ؟ »  
دیمش . اونلرده خلیل عمی یی صاغلق ویرمشلر .

— ها باقالم خلیل عمی ، شونم دوشمی یوریور .

— خیردر انشاء الله .

— ربم خیرلر ویرسین . بوکیجه آلمه بر حیوان چکدیلر ،

بیندم . لیکن نه ایدی بیلیمورم . آتمی دیسه م ، اشکمی دیسه م ،  
قاطریمی دیسه م ... سوردم کیتدم ، واقعا بریرلردن کچدم . اما فرقنده  
دکم : نارلامی دیسه م ، چایریمی دیسه م ، باغمی دیسه م ، باغمیچی  
دیسه م ... دیرکن قارشیمه ایکی اوچ کیشی چیقدی . بونلر کیمدی ؟  
بک طانییه مادم : بیلدکمی دیسه م ، یابانچی می دیسه م ، خیرلی می دیسه م ،  
خیرسز می دیسه م ، دوست می دیسه م ، دشمن می دیسه م ... اوزاقدن  
برقارالتی بلیردی . صانیرم بویو جک بریانی ایدی . فقط ایی سیجه مدم :  
خان می دیسه م ، حمام می دیسه م ، قیشله می دیسه م ، مسجدمی دیسه م ...  
خلیل عمی ذمی کی امی اولمقله برابر غایت ذکی بر آدم ایش .  
بو « دیسه م » لک دها پک چوق اوزایه جغتی کورنجه طاقی قلامش :  
— آکلادم اوغلم آکلادم . الله سنک بلاکی ویره جک . چونکه بو کیدیش  
اونی کوستریور ! اما بوکون می دیسه م ، یارین می دیسه م ، یوقسه او بر  
کون می دیسه م .. اوراسنی کسیدریمه جکم ! دیمش .

\*\*\*

حکایه اوقدر آچیق که : هیچ ایضا حه تحملی یوق ؛ بزم حالمزه  
اودرجه ده اویغون که : دها ایسی بولونه ماز . اوت ، مسلیکسزلکک ،



قسمتند تبعات و نشریات ارشادکارانده بولندقلری کبی امر جهاد حقننده اجرای تعمیقات و تبعاتدن کیر و طور مامق و بوبابده اخلاقه برخیلی آثار کزیده براقق اولدقلرینی نظر شکران و منتله کوردم . بونلرک تدارک و مطالعه سی اخوان دینک تزاید استفاده لرینه و بومبخته ده از یاده تنویر افکار و گفتار ایتلرینه مدار اولور ملاحظه سی ذهنمه تبادر ایتدی . بنساء علیه بونلرک مؤلفلریله برابر بوجه زیر عرض اسامیسنی لازمه قدر شناسی اتخاذا ایلرم :

۱ - ( ترجمه سیرکیر ) ۱۳۳۸ ده ( آیدین ) ده وفات ایدن ( خواجه منیب ) فندی طرفندن ترجمه اولونان بواثرعالی وجسیمک اکثر مندرجاتی فضائل جهاد ایله بوکاعا مود لازمیدن باحث اولوب مطبوعدر .

۲ - ( رساله فضائل جهاد ) ۹۰۱ ده استانبولده وفات ایدن ( خطیب زاده محی الدین افندی ) طرفندن مؤلفدر .

۳ - ( رساله فضائل جهاد ) ۹۲۰ ده استانبولده وفات ایدن ( کیرمستیلی یوسف افندی ) طرفندن مؤلفدر .

۴ - ( رساله فضائل جهاد ) ۱۰۲۶ ده حجازده وفات ایدن ( مناسترلی قاضی محمود افندی ) طرفندن مؤلفدر .

۵ - ( رساله فضائل جهاد ) ۱۰۷۰ ده مصرده وفات ایدن ( قونوی نوح افندی ) طرفندن مؤلفدر .

۶ - ( مهمات الغازی فی میادین المغازی ) آلائی مفتیسی ( قیصریه لی محمد فکری افندی ) طرفندن مؤلف اولوب مطبوعدر .

۷ - ( رساله فضائل جهاد ) ۱۳۱۱ ده استانبولده وفات ایدن ( کوموشخانه لی ) ( حاجی احمد افندی ) طرفندن مؤلف اولوب مطبوعدر .

۸ - ( نیل الرشاد فی امرالجهاد ) : ۱۱۵۶ ده طریق حجه وفات ایدن ( میرزا زاده سالم ) افندی طرفندن مطبوعدر .

۹ - ( فضائل جهاد ) : ۱۰۰۸ ده در سعادتده وفات ایدن شاعر مشهور ( عبدالباقی ) افندی طرفندن ،

۱۰ - ( رایات النصر والارشاد ) : ۱۲۷۲ ده کوستندیلده وفات ایدن مفتی ( محمد شمعی ) افندی طرفندن ،

۱۱ - ( سیف الجهاد فی نصرالعباد ) : ۱۳۱۸ ده در سعادتده وفات ایدن ( ادرنه ) مفتیسی ( محمد فوزی ) افندی طرفندن ، مطبوعدر .

۱۲ - ( عمادالجهاد - فضائل الجهاد ) : ( درویش علی بن مصطفای بوسنه ) وی طرفندن مؤلفدر .

۱۳ - ( نهج الرشاد فی امرالجهاد ) مفتی ( احمد حنظلی ) افندی طرفندن مطبوعدر .

۱۴ - ( تشویقات الجیاد فی الغزو والجهاد ) : ۱۱۳۰ ده وفات ایدن ( عبدالرزاق بن عبدالفتاح لادقی ) طرفندن ،

۱۵ - ( فضائل غزوا - مناقب جهاد ) علی غالب بک طرفندن مطبوعدر .

بصیرتسزلکک بومرتبه سی انسانی فلاکت اوچورومندن باشقه بریره کوتورمنز . قوللاندینی واسطه یی ، کجدیکی یولی ، قارشیسنه چیقان آدمی طانیایان ، حتی طانیق لزومنی طویمایان ؛ راست کان یولی طوتمقده ، راست کلن غایه طوغرو یورومکده تردد ایتمه یی قیر سرداری قفالی برملت ایچون عاقبت خیرلی چیقسه یدی ، یا کلاش برایش اولوردی .

محمد عاکف

### فضائل جهاد حقننده مؤلفات عثمانیه

جهاد ، که تحقق وجوبنده هر مؤمن ایچون بر امر معروفدر ؛ و نلک فضائل همان هر کسجه اجمالاً معلوم حکمننده در . انحق غزوات و شهادته متعلق عقائد مقدسه نلک تأثیر لاهوتیسیله حائز شرف کرانها اولان جهاد نه کبی احوالده فرض کفایه وهانکی خصوصاتده فرض عیندر ؛ سبب و حکمتی ندر ؛ استطاعت بدنییه و مالییه مالک اولانلره امر ایلدیکی وظائف اشتراکیه ایله بوبابده کوسرتلیه جک اعتنای فداکارانه نلک تأمین ایدم جکی محاسن و مثنوبات نیدن عبارتدر ؛ بونلردن امتناع و تباعد وقوعی حالنده تولد ایدم جک تأثیرات و عقوبات ، نه درجه یه قدر واره بیلیر ؛ آز چوق بوا حکامه تشمیل و قوف ایدلک الزمدر . آیات کریمه ایله مدوح الهی واحادیث نبویه ایله مظهر تجیل نامتناهی اولان جهاد ؛ دین ، ناموس و وطن کبی روابط معززمنک حفظ و تأییدینه متعلق اولدینی ایچون اهل ایمانک اواحکامی استکناه و اکتساب ایتمکدن قصر همت ایتمی اصلاً روا کوریله منز . مسئله جهاده دائر در میان ایدیله جک بر بحث ، ایراد اولنه جق بر کلام لسان قدرت اولان آیات کریمه فرقانیه دن اقتباس فیض ایدلک و ناشر حکمت بولنان احادیث جلیله رسالت پناهیدن استناره اولنق صورتیله موضوع وظایه سنک علوتی نسبتنده مزین و مدلل اولور ایسه مقصود اولان تأثیر بلیغی حصوله کایر . بونک خاصیت مؤثره سی الزیاده ایراد نطق و خطابتله تشریح مزایاسنه کیریشلیدیکی وقت رونما اولور . سائر فروضات اسلامیه کبی فرض جهاد حقننده ده اوکره نلسی و جوب قوی درجه سنده بولنان معلومات و وظائف مشروعه نلک نشر و تعمیمی نه مرتبه محسنات عالییه یی داعی اوله جنی وارسته تصویردر . بنساء علیه رجال علمیه نلک جواعده وعظ و نصیحت ائساننده بومبخته مندج احکام و دقایق قدسییه یی قلوب مؤمنینه نقش و القا ایدم جک صورتده شرح و تبیین ایللری ، ارده صره ده اختلاس وقت ایله بوبابده تألیف اثار ایلده تعمیم فوائد ایتلری حقیقه بروجیه حیت و دیانتدر . کرچه حقوق دولده حقوق و ایجابات حربیه دائر مباحث مهمه موجود ایسه ده هر کسک بونلره تحصیل اطلاع ایتمی محال و مسئله نلک مادی و معنوی اقسامی حقننده کتب فقهیه ده و بعض رسائله مندرج اباحت و معلومات متنوعه و وجائب دینییه و وطنیه نلک ادراک و احاطه سنه و ثمرات مبعجله سنک تأمین حصولنه حقیقه خادم اوله جنی بر برهان ذی کالدر . خزائن اثار عثمانیه دن مستفید اولدیغم صیره ده مؤلفین عثمانیه مزک علوم و فنونک هر